




2011-2012

Lecture de documents anciens

Débutant

Document étudié n°2

22 décembre 1396. – Chambre des comptes de Bourgogne Quittance d'Estienne Larchier pour le paiement de travaux effectués pour Claus Sluter.



Saichent tuit que je, Estien(n)e Larchier, demor(ant) a Dijon, confesse avoir eu et receu de Guill(aum)e Chenily, receveur ou baill(iage) de Dijon pour mons(eigneur) le duc de Bourg(og)ne, la som(m)e de sept frans demi qui deuz m'estoient pour pluseurs ouvraiges et parties de mon mestier p(ar) moy f(ai)tes, baill(ées) et delivrees es hostelz de mon dit seign(eur) a Dijon ou demeure Claus Scluter, ouvrier d'ymaiges de mon dit seign(eur) et p(re)mie(re)me(n)t pour avoir refait de mes ais de chesne tout a nuef le planchier de la saule deva(n)t desdiz hostelz ; item refaire et remettre a point les huys et fenestres des ouvreurs dudit Claus qu'estoient despeciés ; item faire quatre gros bans de grosses pieces de bois pour ouvrer dess(us) les ymaiges et pour une grosse sebiere (?) ; it(em) porter p(ier)res et ymaiges tout p(ar) m(ar)chié fait au dit receveur en la p(re)se(n)ce dud(it) Claus aux diz VII frans demi desquelx je me tien pour b(ie)n païé et content dudit receveur et l'en quitte et touz aultres à qui quittan(ce) en peut et doit app(ar)tenir. En tesm(oin) de ce, j'ay requis le seing manuel de Jeh(an) le Bon de Dijon, clerck coadjut(eur) du tabellion dud(it) lieu po(ur) mondit s(eigneur) mis a ceste quittan(ce) le XXIIe jo(ur) du mois de dece(m)bre l'an mil CCC IIII^{XX} et seze. J. Le Bon

Et je, Claus Scluter, ouvrier d'ymaiges et varlet de chambre de mo(n)s(eigneur) le duc de Bourg(uog)ne, c(er)tiffie en v(er)ité les parties dess(us) d(i)tes et une chascune d'icelles avoir esté f(ai)tes, baill(ées) et delivrées esdiz hostelz es lieux dess(us) diz et tout p(ar) la forme et manie(re) q(ue) dess(us) est contenu p(ar) le dessus dit Estie(nne) Larchier par m(ar)chié fait a lui p(ar) le dit recev(eu)r en ma p(re)se(n)ce a la som(m)e de sept frans demi. Tesm(oin) mon seel mis a ces p(re)se(n)t(es) l'an et jour dess(us) diz.

Archives départementales de la Côte-d'Or, B 382

Archives départementales de la Côte-d'Or
www.archives.cotedor.fr

